

Siunnersuut: Avatangiisit innarlitsaaliorneqarnissaat pillugit Inatsisartut inatsisaat nr. xx af xx.xxxx 2011-meersoq

(Nunamut Namminermt, Pinngortitamut Avatangiisinullu Naalakkersuisoq)

Akissuteqaat

(Nunamut Namminermt, Pinngortitamut Avatangiisinullu Naalakkersuisoq)

Aappassaaneerinninneq

Avatangiisit innarlitsaaliorneqarnissaat pillugit Inatsisartut inatsisissaannut siunnersuutip aappassaanneernejarnissaanut atorneqartussamik Sanaartornermt Avatangiisinullu Ataatsimiititaliaq isumaliutissiissuteqarpoq.

Siullermeerinninnerup aappassaaneerinninnerullu akornanni ataatsimiititaliamik suliarinniffiulluartumik pissarsiffiulluartumillu oqaloqatigiinnermt Naalakkersuisut qujapput, tassunga ilaallutik inatsisissatut siunnersuut pillugu ilisimatitsilluni ataatsimiinnerit marluk. Inatsisissatut siunnersuutip paasineqanissaanut tunngatillugu nassuiaatit ataatsimiititaliamit annertuutigut tusaatissatut tiguneqarneri Naalakkersuisut aamma pitsaasutut isigaat. Nassuiaatit taakku inatsisissamut siunnersuummut nassuiaatit ilanngullugit inatsisissatut siunnersuutip ajunngitsumik nassuiarnissaanut paasineqarnissaanullu qulakkeerinnipput.

Sanaartornermt Avatangiisinullu Ataatsimiititaliaq isumaliutissiissutimini allannguutissanik arlalinnik siunnersuuteqarpoq. Tassani pineqarput:

- Siunnersuummi § 29, imm. 1-imut allannguutissaq, tassani pineqarluni imeqarfiup eqqaani killeqarfiup iluani inerteqqussummiit Naalakkersuisut immikkut akuersinissamut periarfissaqarnerat. § 29, imm. 1 ataatsimiititaliamit siunnersuutigineqarpoq imatut oqaasertaqassasoq: ”Inuiaqatigiinni pissutsit pingaarutillit pisariaqartippassuk Naalakkersuisut qaqutigunnaq § 28, imm. 2-mi inerteqquteqarnermt immikkut akuersissuteqarsinnaapput.” Allannguutip taassuma kingunerisaanik inuit ajoqusersinnaanerisa pitsaaliorneqarnissaannut immikkut akuersissuteqarnissamut tunngavigineqarunnaassaaq.
- Siunnersuummi § 36-mut allannguut, taamaalilluni biilnik, umiatsianik, qamuterallannillu atorneerullutik qimaannakkanik, pissusissamisoortumik nalunaarutigineqarsimasunik, akitsorterussinikkut tunisisinaanissamut kommunit periarfissaqalerlutik.
- Suliffeqarfinnik immikkut ittunik nakkutilliinnermt tunngasup § 49, imm. 4-p allanngortinnera, taamaalilluni kalaallisut qallunaatullu oqaasertai imminnut naapertuutilerlutik.

Allannguutissatut siunnersuutit taakku Naalakkersuisunit nalilersorneqarsimapput, pingajussaaneerinninnissarlu sioqqullugu allannguutissatut siunnersuutit ataatsimiititaliamit kissaatigineqartut saqqummiunneqassallutik. Biilnik il.il. atorneerullutik qimaannakkanik

kommunit tunisisinnaanerannut tunngasumut § 36-mut allannguutissatut siunnersuut eqqarsaatigalugu ataatsimiititaliamit siunnersuutigineqartutut nassaat pillugit maleruagassanut siunnersuutip naapertuutilernissaa Naalakkersuisut qulakkeerniassavaat.

Taakku saniatigut §§ 28-mut aamma 31-mut Naalakkersuisut nammineerlutik allannguutissatut siunnersuuteqarput, ilaatigut imeqarfimmi imermik suliarinninneq pitsaanerulersinneqarpat imeqarfiup eqqaani assersorneqarsimasup iluani, inertequtaagaluartunik, suliat akuerineqartarnissaat pillugit maleruagassanik Naalakkersuisut aalajangersaasinnaallutik. Ataatsimiititaliap isumaliutissiissutaanit takuneqarsinnaavoq allannguutissatut siunnersuutip taamatut iluseqartillugu akuersissutigineqarnissaa ataatsimiititaliap inassutigigaa. Tassunga atatillugu Naalakkersuisunit maluginiarneqarpoq imermik suliarinninnerup pitsaanerulersereernerata kingorna killilersuinerit tamarmik atorunnaarsinnerannik aalajangersagaq kinguneqartariaqanngitsoq ataatsimiititaliap oqaaseqaateqartoq.

Sanaartornermut Avatangiisinullu Ataatsimiititaliap isumaliutissiissutimini Naalakkersuisut pivusorsiorlumik isumaqarnersut teknologiip pitsaanerpaap pissarsiarineqarsinnaasup (BAT) tunngavittut atorneqarnera avatangiisinut mianerinninneq tamatigut pingaarnerpaatinneqartariaqartoq pillugu Naalakkersuisut nassuiaanissaat noqqaassutigaa. Tassunga atatillugu Naalakkersuisut erseqqissassavaat teknologiip pitsaanerpaap pissarsiarineqarsinnaasup (BAT) tunngavittut atorneqarneratigut avatangiisinut mianerinninneq nalinginnaasumik pingaarnerpaajusartoq, kisiannili avatangiisitigut iluanaarutit aamma teknikip aalajangersimasup atorneqartariaqarnerani aningaasatigut aningaasartuutit akornanni tamatigut oqimaaqatigiissitsisoqartassasoq.

Naalakkersuisunit pingaartinneqarpoq teknologiip pitsaanerpaap pissarsiarineqarsinnaasup atorneqarnissaanik (BAT) tunngavik inatsisip immikkoortuanut tamanut atuutsinneqalerpat tamanna qanoq isumaqarnersoq paaseqqissaarneqassasoq. Taamaattumik Naalakkersuisut aappasaaneerinninnerup pingajussaaneerinninnerullu akornanni ataatsimiititaliap sulinerani atorneqartussamik tunngaviusumik tunngavik pillugu nassuiaasiussapput, tassunga ilanngullugu avatangiisini mianerisassat aamma aningaasaqarnikkut eqqarsaatigisassat akornanni isumaliutigineqartut allaaserineqarnera, kiisalu tunngaviusumik tunngaviup tamatuma manna tikillugu piviusumik qanoq atorneqarsimanerata allaaserinera.

Naggasiullugu avatangiisit pillugit inatsimmut attuumassuteqartut assigiinngitsut pillugit Inatsisartut ingerlaavartumik ilisimatinneqartarnissaasa pingaaruteqarneranut tunngatillugu Sanaartornermut Avatangiisinullu Ataatsimiititaliap isiginneriaasianut Naalakkersuisut isumaqataanertik oqaatigissavaat, soorlu inatsisissamut siunnersuummi piginnaatitsinerpassuit atorneqarneri pillugit.

Nunatsinni avatangiisit pillugit pissutsit Naalakkersuisut tungaanniit suliaassanik pingaarnersiuilluni tulleriarinermi salliutinneqartunut ilaapput, taamaattumillu inatsisissatut siunnersuutip suliarineranut atatillugu ataatsimiititaliap annertuumik pimoorussinera

qujanarpoq, soorlu aamma inatsisissamut siunnersuummut ataatsimiititaliap
isumaliutissiisummi tamanut tunngasumik isumaqataanera Naalakkersuisunit
naammagisimaarneqartoq.

Inatsisissatut siunnersuummut tunngatillugu oqallinnerit ingerlateqqinnissaat Naalakkersuisut
qilanaaraat.